



UNIVERSITÄTS-
BIBLIOTHEK
PADERBORN

Paraphrasis Psalmorum Davidis Poetica

Buchanan, George

Argentorati, M. D. LXVIII.

VD16 B 3125

Psal. CXXXIII. Ecce quàm bonum & quàm iucundum, &c. Carm. gen. 3.

[urn:nbn:de:hbz:466:1-69145](https://nbn-resolving.org/urn:nbn:de:hbz:466:1-69145)

Hæc mihi grata domus. cæli indulgētia fruges
 Faxo alat, & duros largē saturabo colonos.
 Tempa tuebuntur casti iustiq; ministri,
 Lætitiāq; pijs profunda in pectora certa:
 Dauidicoq; nouū producam è semine germē,
 Quod latè in populos fundet sua brachia: stir-
 Prospiciam seræ soliū qui illustret auitū, (pi
 Claraq; percunctas diffundat lumina terras.
 At pudor & turpes maculas infamia spargens,
 Hostibus inficiet uultus. Iessæ propago
 Florebit, cingetq; sacrum diademate crinem,
 Transmittetq; suam lōgæua in sæcula famam.

PSAL. CXXXIII. Ecce quàm bonum
 & quàm iucundum, &c. Carm. gen. 3.

Nil charitate mutua fratrum, nihil
 Iucundius concordia,
 Non aura suauis balsami, quum funditur
 Aronis in sacrum caput,
 Et imbre læto proluens barbam & sinus
 Limbum pererrat aureum:
 Non ros, tenella gemmulis argenteis
 Pingens Sionis gramina,
 Aut uerna dulci inebrians uligine
 Hermonis intonsi iuga.
 Fraternalis pax incolit domum, iuuat
 Dominus benigna dextera:
 Et opibus auget: filiorum & filios
 Multis propagat sæculis.

Res dilecta quies, pax, atq; uita gehennæ

PSAL